

黃帝內經素問卷之四十四



黃帝內經素問補註釋文卷之四十四 榮二

唐太僕令啓玄子王冰次註

宋光祿卿直祕閣林億等校正

宋守尚書屯田郎孫兆重改誤

六元正紀大論篇上

黃帝問曰六化六變勝復淫治甘苦辛鹹酸  
淡先後余知之矣夫五運之化或從五氣

新校正云詳五氣疑作天氣則與下文相

叶

或逆天氣或從天氣而逆地氣或從地氣而

逆天氣或相得或不相得余未能明其事欲  
通天之紀從地之理和其運調其化使上下  
合德無相奪倫天地升降不失其宜五運宣  
行勿乖其政調之正味從逆奈何

氣同謂之從氣異謂之逆勝制為不相得

卷二

相生為相得司天地之氣更淫勝復各有  
主治法則欲令平調氣性不違忤天地之  
氣以致清淨和平也

岐伯稽首再拜對曰昭乎哉問也此天地之  
綱紀變化之淵源非聖帝孰能窮其至理歟

臣雖不敏請陳其道令終不滅久而不易  
氣主循環同於天地大過不及氣序常然  
不言永定之制則久而更易去聖遼遠何  
以明之

帝曰願夫子推而次之從其類序分其部主  
別其宗司昭其氣數明其正化可得聞乎

部主謂分六氣所部主者也宗司謂配五  
氣運行之位也氣數謂天地五運氣更用  
之正數也正化謂歲直氣味所宜酸苦甘  
辛鹹寒溫冷熱也

岐伯曰先立其年以明其氣金木水火土運  
行之數寒暑燥濕風火臨御之化則天道可  
見民氣可調陰陽卷舒近而無惑數之可數  
者請遂言之

遂盡也

卷二

帝曰太陽之正奈何岐伯曰辰戌之紀也

太陽 大角 太陰 壬辰 壬戌 其運

風其化鳴紊啓拆

新校正云按五常政大論云其德鳴靡啓

拆

其變振拉摧拔

新校正云詳此其運其化其變從大角等  
運起

其病眩掉目瞑

新校正云詳此病證以運加司天地為言

大角 初 少徵 大宮 少商 大羽 終

太陽 大徵 太陰 戊辰 戊戌同正徵

○新校正云按五常大論云赫曦之紀上

羽與正徵同

其運熱其化暄暑鬱燠

新校正云按五常政大論燠作蒸

其變炎烈沸騰其病熱鬱

大徵 少宮 大商 少羽 終 少角 初

太陽 大宮 太陰 甲辰歲會符 同天 甲戌

歲會符 同天

禁一

三

新校正云按天元紀大論云承歲為歲直

又六微旨大論云木運臨卯火運臨午土

運臨四季金運臨酉水運臨子所謂歲會

氣之平也王冰云歲直亦曰歲會此甲為

大宮辰戌為四季故曰歲會又云同天符

者按本論下文去大過而加同天符是此  
歲一為歲會又為同天符也

其運陰埃

新校正云詳大宮三運兩日陰雨獨此日  
陰埃埃疑作雨

其化柔潤重澤

新校正云按五常政大論澤作淖

其變震驚飄驟其病濕下重

大宮 少商 大羽 終 大角 初 少徵

太陽 大商 太陰 庚辰 庚戌 其運



涼其化霧露蕭颼其變肅殺凋零其病燥背  
督胃滿

大商 少羽 終少角 初大徵 少宮

太陽 大羽

新校正云按五常政大論云上羽而長氣

不化

大陰 丙辰天符 丙戌天符

新校正云按天元紀大論云應天為天符

又六微旨大論云土運之歲上見大陰火

運之歲上見少陽少陰金運之歲上見陽

明木運之歲上見厥陰水運之歲上見大  
陽曰天與之會故曰天符又本論下文云  
五運行同天化者命曰天符又云臨者大  
過不及皆曰天符

其運寒

卷二

四

新校正云詳大羽三運此為上羽少陽少  
陰司天為大徵而少陽司天運言寒肅此  
與少陰司天運言其運寒者疑此大陽司  
天運司大羽當言其運寒肅少陽少陰司  
天運當云其運寒

其化凝慘凜冽

新校正云按五常政大論作凝慘寒冱

其變冰雪霜雹其病大寒留於谿谷

大羽終大角 少徵 大宮 少商

凡此大陽司天之政氣化運行先天

六步之氣生長化成收藏皆先天時而應  
至也餘歲先天同知也

天氣肅地氣靜寒臨太虛陽氣不令水土合  
德上應辰星鎮星

明而大也

其穀玄齡

天地正氣之所生長化成也玄齡黃也

其政肅其令徐寒政大舉澤無陽燄則火發待時

寒甚則火鬱待四氣乃發暴為炎熱也

條二

五

少陽中治時雨乃涯止極雨散還於大陰雲朝北極濕化乃布

北極雨府也

澤流萬物寒敷于上雷動于下寒濕之氣持於氣交

歲氣之大非也

民病寒濕發肌肉萎足痿不收濡寫血溢  
新校正云詳血溢者火發待時所為之病  
也

初之氣地氣遷氣乃大溫

畏火致之

草乃早榮民乃厲溫病乃作身熱頭痛嘔吐  
肌腠瘡瘍

赤斑也是為敷腠中瘡在皮內也

二之氣大涼反至民乃慘草乃遇寒火氣遂

抑民病氣鬱中滿寒乃始

自涼而反之於寒氣故寒氣始來近人也  
三之氣天政布寒氣行雨乃降民病寒反熱  
中癰疽注下心熱瞖悶不治者死

當寒反熱是反天常熱起於心則神之危  
亟不急扶救神必消亡故治者則生不治  
則死

四之氣風濕交爭風化爲雨乃長乃化乃成  
民病大熱少氣肌肉萎足痿注下赤白五之  
氣陽復化草乃長乃化乃成民乃舒

大火臨御故萬物舒榮

終之氣地氣正濕令行陰凝太虛埃昏郊野  
民乃慘悽寒風以至反者孕乃死故歲宜苦  
以燥之溫之

新校正云詳故歲宜苦以燥之溫之九字

榮二

六

當在避虛邪以安其正下錯簡在此

必折其~~其~~氣先資其化原

化原謂九月迎而取之以補心火○新校  
正云詳水將勝也先於九月迎取其化原  
先寫腎之源也蓋以水王十月故先於九

月迎而取之寫水所以補火也

抑其運氣扶其不勝

大角歲脾不勝大徵歲肺不勝大宮歲腎  
不勝大商歲肝不勝大羽歲心不勝歲之  
宜也如此然大陽司天五歲之氣通宜先

助心後扶腎氣

無使暴過而生其疾食歲穀以全其真避虛  
邪以安其正

木過則脾病生火過則肺病生土過則腎  
病生金過則肝病生水過則心病生天地



之氣過亦然也歲穀謂黃色黑色穀也虛邪謂從衝後來風也

適氣同異多少制之同寒濕者燥熱化異寒濕者燥濕化

大宮大商大羽歲同寒濕宜治以燥熱化

卷二

七

大角大徵歲異寒濕宜治以燥濕化

用寒遠寒用涼遠涼用溫遠溫用熱遠熱食宜同法有假者反常反是者病所謂時也

時謂春夏秋冬及間氣所在同則遠之即

雖其時若六氣臨御假寒熱溫涼以除疾

病者則勿遠之如大陽司天寒為病者假熱以療則熱用不遠夏餘氣例同故曰有假反常也食同藥法爾若無假反法則為病之媒非方制養生之道○新校正云按用寒遠寒及有假者反常等事下文備矣

帝曰善陽明之政奈何岐伯曰卯酉之紀也陽明 少角 少陰 清熱勝復同同正商清勝少角熱復清氣故曰清熱勝復同也餘少運皆同也同正商者上見陽明上商與正商同言歲木不及也餘準此○新校

正云按五常政大論云委和之紀上商與

正商同

丁卯歲會 丁酉其運風清熱

不及之運常兼勝復之氣言之風運氣也

清勝氣也熱復氣也餘少運悉同

少角正初大徵 少宮 大商 少羽終

陽明 少徵 少陰 寒雨勝復同同正商

新校正云按伏明之紀上商與正商同

癸卯

同歲會

癸酉

同歲會○新校正云按本論下文云不及而加同歲會此運少徵為不及下加少陰故云同歲會

其運熱寒雨

卷三

少徵 大宮 少商 大羽 終 大角 初

陽明 少宮 少陰 風涼勝復同

巳卯 巳酉 其運雨風涼

少宮 大商 少羽 終 少角 初 大徵

陽明 少商 少陰 寒熱勝復同 正商

新校正云按五常政大論云從革之紀上  
商與正商同

乙卯天符

乙酉歲會大一天符

新校正云按天元紀大論云三合為治又  
六微旨大論云天符歲會日大一天符王  
冰云是謂三合一者天會二者歲會三者  
運會或云此歲三合日大一天符不當更  
曰歲會者甚不然也乙酉本為歲會又為  
大一天符歲會之名不可去也或云己丑

已未戊午何以不連言歲會而單言大一天符曰舉一隅不以三隅反舉一則三者可知去之則是大一天符不為歲會也故曰不可去也

其運涼熱寒

少商

大羽

終

大角

初

少徵

大宮

九

陽明

少羽

少陰

雨風勝復同

辛卯

少宮同

新校正云按五常政大論云五運不及除同正角正商正宮外癸丑癸未當云少徵

與少羽同巳卯巳酉少宮與少角同乙丑  
乙未少商與少徵同辛卯辛酉辛巳辛亥  
少羽與少宮同合有十年今此論獨於此  
言少宮同者蓋以癸丑癸未丑未為土故  
不更同少羽巳卯巳酉為金故不更同少  
角辛巳辛亥為木故不更同少宮乙丑乙  
未下見大陽為水故不更同少徵又除此  
八年外只有辛卯辛酉二年為少羽同少  
宮也

辛酉 辛卯其運寒雨風

少羽終少角初大徵大宮大商

凡此陽明司天之政氣化運行後天

六步之氣生長化成庶務動靜皆後天時

而應餘少歲同

天氣急地氣明陽專其令炎暑大行物燥以

堅淳風乃治風燥橫運流於氣交多陽少陰

雲趨雨府濕化乃敷

雨府太陰之所在也

燥極而澤

燥氣欲終則化為雨澤是為三氣之分也



其穀白丹

天地正氣所化生也

間穀命大者

命大者謂前文大角商等氣之化者間氣  
化生故云間穀也○新校正云按玄珠云

卷二

T

歲穀與間穀者此即在泉為歲穀及在泉  
之左右間者皆為歲穀其司天及運間而  
化者名間穀又別有一名間穀者是地化  
不及即反所勝而生者故名間穀即邪氣  
之化又名並化之穀也亦名間穀與王注

頗異

其耗白甲品羽

白色中蟲多品羽類有羽翼者耗散染盛  
蟲鳥甲兵歲為災以耗竭物類

金火合德上應太白熒惑

見大而明

其政切其令暴蟄蟲乃見流水不水民病歎  
噬寒寒熱發暴振慄瘖悶清先而勁毛蟲乃  
死熱後而暴介蟲乃殃其發暴勝復之作擾  
而大亂

金先勝木已承害故毛蟲死火後勝金不勝故介蟲復殃勝而行殺弱者已二復者後來強者又反非大亂氣其其謂也

清熱之氣持於氣交初之氣地氣遷陰始凝氣始肅水乃冰寒雨化其病中熱脹面目浮

卷二

十一

腫善眠欬衄嚏欠嘔小便黃赤甚則淋

大陰之化○新校正云詳氣肅水冰疑非大陰之化

二之氣陽乃布民乃舒物乃生榮厲大至民善暴死

臣位君故爾

三之氣天政布涼乃行燥熱交合燥極而澤  
民病寒熱

寒熱瘧也

四之氣寒雨降病暴仆振慄譫妄少氣嗌乾

引飲及為心痛癰腫瘡瘍瘧寒之疾骨痿血  
便

骨痿無力

五之氣春令反行草乃生榮民氣和煦之氣  
陽氣布候反溫蟄蟲來見流水不冰民乃康

平其病温

君之化也

故食歲穀以安其氣食間穀以去其邪歲宜以鹹以苦以辛汗之清之散之安其運氣無使受邪折其鬱氣資其化源

化源謂六月迎而取之也○新校正云按

金王七月故迎於六月寫金氣

以寒熱輕重少多其制同熱者多天化同清者多地化

少角少徵歲同熱用方多以天清之化治

之少宮少商少羽歲同清用方多以地熱  
之化治之火在地故同清者多地化金在  
天故同熱者多天化

用涼遠涼用熱遠熱用寒遠寒用溫遠溫食  
宜同法有假者反之此其道也反之者亂天

卷二

十二

地之經擾陰陽之紀也帝曰善少陽之政奈  
何岐伯曰寅申之紀也

少陽 大角

新校正云按五常政大論云上徵則其氣  
逆

厥陰 壬寅符同天 壬申符同天 其氣風鼓

新校正云詳風大合勢故其運風鼓少陰

司天大角運亦同

其化鳴紊啓拆

新校正云按五常政大論云其德鳴靡啓

拆

其變振拉摧拔其病掉眩支脅驚駭

大角正初 少徵 大宮 少商 大羽終

少陽 大徵

新校正云按五常政大論云上徵而收氣

灾

厥陰 戊寅天符 戊申天符 其運暑其

化暄器鬱燠

新校正云按五常政大論作暄暑鬱燠此  
變暑為器者以上臨少陽故也

卷之二

十三

其變炎烈沸騰其病上熱鬱血溢血泄心痛

大徵 少宮 大商 少羽 終少角 初

少陽 大宮 厥陰 甲寅 甲申 其運

陰雨其化柔潤重澤其變震驚飄驟其病體

重肘腫痞飲



大宮 少商 大羽<sup>終</sup> 大角<sup>初</sup> 少徵

少陽 大商 厥陰 庚寅 庚甲 同正

商

新校正云按五常政大論堅成之紀上徵

與正商同

其運涼其化霧露清切

新校正云按五常政大論云霧露蕭颺又

大商三運兩言蕭颺獨此言清切詳此下

如厥陰當此蕭颺

其變肅殺凋零其病肩背胷中

大商 少羽 終少角 初大徵 少宮

少陽 大羽 厥陰 丙寅 丙申 其運

寒肅

新校正云詳此運不當言寒肅以注大陽  
司天大羽運中

其化凝慘凜冽

新校正云按五常政天論云作凝慘寒霧

其變冰雪霜雹其病寒浮腫

大羽 終大角 初少徵 大宮 少商

凡此少陽司天之政氣化運行先天天氣正

新校正云詳少陽司天大陰司地正得天  
地之正又厥陰少陽司地各云得其正者  
以地主生榮為言也本或作天氣上者少  
陽火之生用動躁云正義不通

地氣擾風乃暴舉木偃沙飛炎火乃流陰行

卷二

十四

陽化雨乃時應火木同德上應榮惑歲星

見明而大○新校正云詳六氣惟少陽厥  
陰司天司地為上下通和無相勝剋故言  
火木同德餘氣皆有勝剋故言合德

其穀丹蒼其政嚴其令擾故風熱慘布雲物

沸騰大陰橫流寒乃時至涼雨並起民病寒  
中外發瘡瘍內為泄滿故聖人遇之和而不  
爭往復之作民病寒熱瘧泄聾瞑嘔吐上怫  
腫色變初之氣地氣遷風勝乃搖寒乃去候  
乃大溫草木早榮寒來不殺溫病乃起其病  
氣怫於上血溢目赤欬逆頭痛血崩

今詳萌字當作崩

脅滿膚腠中瘡

少陰之化

二之氣火反鬱

大陰分故爾

白埃四起雲趨雨府風下勝濕雨乃零民乃  
康其病熱鬱於上欬逆嘔吐瘡發於中骨盪  
不利頭痛身熱昏憤音會膿瘡三之氣天政布  
炎暑至少陽臨上雨乃涯民病熱中聾冥血

第二

十五

溢膿瘡欬嘔斲衄渴嚏欠喎痺目赤善暴死  
四之氣涼乃至炎暑間化白露降民氣和平  
其病滿身重五之氣陽乃去寒乃來雨乃降  
氣門乃閉

新校正云按王注生氣通天論氣門玄府

也所以發泄經脉榮衛之氣故謂之氣門  
剛木早凋民避寒邪君子周密終之氣地氣  
正風乃至萬物反生霧霧以行其病關閉不  
禁心痛陽氣不藏而欬抑其運氣贊所不勝  
必折其鬱氣先取化源

化源年之前十二月迎而取之○新校正  
云詳王注資取化源俱注云取其意有四  
等大陽司天取九月陽明司天取六月是  
二者先取在天之氣也少陽司天取年前  
十二月大陰司天取九月是二者乃先時

取在地之氣也少陰司天取年前十二月  
厥陰司天取四月義不可解按玄珠之說  
則不然大陽陽明之月與王注合少陽少  
陰俱取三月大陰取五月厥陰取年前十  
二月玄珠之義可解王注之月疑有誤也

暴過不生苛疾不起

苛重也○新校正云詳此不言食歲穀間  
穀者蓋此歲天地氣正上下通和故不言  
也

故歲宜鹹宜辛宜酸溲之泄之瀆之發之觀

氣寒溫以調其過同風熱者多寒化異風熱者少寒化

大角大徵歲同風熱以寒化多之大宮大商大羽歲異風熱以涼調其過也

用熱遠熱用溫遠溫用寒遠寒用涼遠涼食

卷二

十六

宜同法此其道也有假者反之反是者病之階也

黃帝內經素問補註釋文卷之四十四共





